

四庫全書薈要·乾隆御覽本

經部

欽定四庫全書薈要

經部

儀禮集說卷十六



詳校官編修臣程嘉珩

儀禮集說卷十六

元 敖繼公 撰

少牢饋食禮第十六

注曰於五禮屬吉禮

繼公謂此篇言大夫祭其祖之禮

少牢饋食之禮

少詩照反
食音嗣

注曰禮將祭祀必先擇牲繫于牢而芻之羊豕曰少

牢

日用丁巳

巳音紀

注曰內事用柔日必丁巳者取其令名自丁寧自政
變皆為謹敬

繼公謂此指筮日之日也所謂諷日者也先諷是日
至其日乃筮

筮旬有一日

以丁若己之日而筮旬有一日則所筮之日亦丁若

已可知矣以丁巳之日而筮丁巳乃云旬有一日則是并筮日之日而數之也古者筮日之法於此可見筮於廟門之外主人朝服西面于門東史朝服左執筮右抽上韝兼與筮執之東面受命于主人

朝並直遙反
下朝服並同

朝服大夫士以筮之正服也史亦公有司也周官筮人職中士二人史二人士冠特牲之筮者言筮人此言史蓋互文也大夫筮亦朝服者降於卜也雜記言大夫卜宅與葬日云占者皮弁又云如筮則占者朝

服是其服異也

主人曰孝孫某來日丁亥用薦歲事于皇祖伯某以某妃配某氏尚饗

注曰丁未必亥也直舉一日以言之耳禘於太廟禮曰日用丁亥伯某且字也其仲叔季亦曰仲某叔某季某某妃某妻也合食曰配某氏若言姜氏子氏也繼公謂此惟云丁亥特見其一耳必言丁亥者以其為六丁之末者故設言之也末者且用則其上者可

知矣已日亦宜如之稱其祖字則是指士之為祖者而言亦假設之辭耳大夫祭士之為祖者如此亦所以明其從生者之爵也其祖稱若為大夫則稱曰某子聘禮記曰皇考某子是也大夫三廟其常祀自曾祖而下此辭惟言皇祖者亦見其一耳三廟說見聘

禮

史曰諾西面于門西抽下轅左執筮右兼執轅以擊筮擊筮者為將述命故也不述命則無此儀

遂述命曰假爾大筮有常孝孫某米日丁亥用薦歲事

于皇祖伯某以某妃配某氏尚饗

大音泰

注曰重以主人辭告筮也假借也

繼公謂大者尊之之辭假爾大筮謂假借爾大筮之靈以問於神也有常謂其常常如此也言每有疑事則必問之而不敢專決所以見其敬信之意孝孫某以下之辭則所謂述命也

乃釋鞶立筮

立筮而又在門西皆大夫之禮異者也

卦者在左坐卦以木卒筮乃書卦於木示主人乃退占
注曰卦者史之屬也卦以木者每一爻畫地以識之
六爻備書於板史受以示主人退占面旅占之

繼公謂此卦者坐亦與筮者相變也上木畫地者也
下木板也退退于其位也不言其位亦西方東面可
知此占者亦當三人也大夫廂門外之位其有司之
西方東面者惟此耳蓋筮者有事於神故不為大夫

而變位也

吉則史贛筮史兼執筮與卦以告于主人占曰從
既筮又釋筮于所筮之處至是乃就而贛之也贛筮
而兼與卦執之以告此亦與士禮異者也

乃官戒宗人命滌宰命為酒乃退

注曰滌溉濯祭器埽除宗廟

繼公謂官戒謂某官戒某人以某事也宰宗人乃官
之尊者故見其命者以明之也有司羣執事之位當

在門東東上大夫之宗人亦私人為之自此以下諸
官司馬之屬皆放此

若不吉則及遠日又筮日如初

注曰遠日後丁若後已

繼公謂此遠日對筮之日而言即所筮不吉之日也
至此日又筮旬有一日也此文當承占曰從之下欲
終言上事故至是乃見之

右筮日

宿

宿謂宿賓以下也是亦官宿之大夫於助祭之賓為
踰等故不親宿此宿當在宿尸之後言於此者為下
文節也

前宿一日宿戒尸

宿戒尸者凡可為尸者皆宿戒之為將筮也此宿戒
蓋亦使人為之尸未筮則未成其尊宿前一日又宿
戒尸亦尊者之禮異也

明日朝筮尸如筮日之禮命曰孝孫某來日丁亥用薦
歲事于皇祖伯某以某妃配某氏以某之某為尸尚饗

筮卦占如初

朝如字

不前期三日而筮尸未詳此筮日筮尸之辭皆不言
筮之亦與士異

吉則乃遂宿尸祝擯

祝為擯與上篇祝致命之意同

主人再拜稽首

不待其許諾而即再拜稽首亦異於士已上之儀當略與特牲同以其有成禮故略之而不言

祝告曰孝孫某來日丁亥用薦歲事于皇祖伯某以某妃配某氏敢宿

注曰告尸以主人為此事來宿

尸拜許諾主人又再拜稽首主人退尸送揖不拜

主人拜而后致辭故尸答拜而后許諾尸所以答拜者亦以其未許諾故也主人又拜者所以見其不必

答已尊之又此主人退尸雖不拜送猶揖之凡尸與主人為禮於其家者皆變於賓主之儀

若不吉則遂改筮尸

所改筮者嗣尸也此所筮者若又不吉則直以其次者為尸不復筮與筮日之意同

右筮尸宿尸

既宿尸反為期于廟門之外

注曰期祭期也言既宿尸反為期明大夫尊宿尸而

已其為賓及執事者使人宿之

繼公謂既宿尸反而為期是其事相繼而不必至夕也然則鄉所宿者皆不在可知大夫宿與為期同日此時又未有賓皆大夫禮異者也

主人門東南面

主人門東南面有司羣執事之位北面大夫宜鄉之亦大夫禮異也

宗人朝服北面曰請祭期主人曰比於子

比略志反

注曰比次早晏在於子也

宗人曰旦明行事主人曰諾

注曰旦明旦日質明

乃退

惟云乃退是主人不送也下篇云衆賓出主人拜送于廟門外此退而不送則衆賓不在可知既退有司乃宿賓

右為期

明日主人朝服即位于廟門之外東方南面宰宗人西
面北上牲北首東上司馬刲羊司士擊豕宗人告備乃

退

刲苦
圭反

注曰刲擊皆謂殺之此實既告備乃殺之文互者省
也

繼公謂東方視殺之位亦宜當塾少南此異宰宗人
之位亦與士禮異宗祝之位者同意牲亦當在東方
少南有司牽羊豕則東之而東足也乃退謂主人

右視殺

雍人概鼎匕俎于雍饗雍饗在門東南北上

注曰雍饗羊豕魚腊龜也

繼公謂概猶拭也既筮日而宗人命滌則有司於祭
器皆已濯之矣故至此但概之為去塵也鼎匕俎皆
牲器故雍人概之於雍饗之上以其類也下文溉甑
甑匕敦于廩饗其義亦然雍人見公食禮

廩人概甑甑匕與敦于廩饗廩饗在雍饗之北

甑于廩
反甑魚

展反救音
對下並同

注曰匕所以匕黍稷者也

疏曰冬官陶人職云甗實二鬴厚半寸脣寸甗實二鬴厚半寸脣寸七穿

繼公謂廩人與雍人對言則是掌為饔之事者也甗如甗蓋有底而無孔所以盛米也與甗則炊之匕則出之此四器與鼎匕俎皆陳于外故雍人廩人分擬之廩囊亦北上

司宮概豆籩勺爵觚解几洗篚于東堂下勺爵觚解實于篚卒概饌豆籩與篚于房中放于西方設洗于阼階

東南當東榮

故方
往反

司宮主陳設此器故既概之勺爵觚解概之則隨實于篚不待其卒概也勺亦實于篚者為將洗之饌之盖于北堂放于西方以次而西也下篚亦饌于房以俟事至而設之不言陳几之處未詳其所特牲禮几席陳于西堂

右概器

美定雍人陳鼎五三鼎在羊鑊之西二鼎在豕鑊之西
三鼎羊魚腊二鼎豕與膚膚鼎亦在豕鑊西者以膚
在豕鑊故也魚腊自有鑊未升之時其鼎乃從羊者
以膚鼎從豕之故而為之也蓋此鑊四而鼎五若鼎
各從其鑊則豕鑊西之鼎二羊鑊西之鼎一嫌其輕
重失次故以魚腊之鼎從羊見其尊也不云爨而云
鑊據鼎實之所從出者而言是篇獨著鑊西之鼎位

以其異也士禮三鼎無嫌故不見之

司馬升羊右胖髀不升肩臂臑膊髀正脊一脰脊一橫
脊一短脅一正脅一代脅一皆二骨以並腸三胃三舉
肺一祭肺三實于一鼎

膊音純與肱
同脰他頂反

注曰肩臂臑肱骨也膊髀股骨也脊從前為正脅旁
中為正祭肺三為尸主人主婦

繼公謂升謂升於鼎也牲體盡在鑊惟神之俎實升
於鼎其餘則皆自鑊升於俎也正脊之屬用二骨乃

皆云一者則是但以其名相別耳不繫其骨之多寡也脊先脅先後亦禮貴相變也腸三胃三者少牢之俎五而已腸胃不得別俎故但附於其牲也附於其牲則其數貶焉而止於三亦如特牲豕俎膚三之意也大夫或用大牢而俎若九若七則腸胃別俎得充其數此制於公食大夫禮見之

司士升豕右胖髀不升肩臂臠膊骼正脊一胾脊一橫脊一短脅一正脅一代脅一皆二骨以並舉肺一祭肺

三實于一鼎

此與上經升羊者皆出自鑊而入于鼎其文之序則始於肩終於肺與下經之出於鼎而載於俎者同以其出入先後之節攷之似正相反然則此所云者但據其已在鼎者上下之次而言非謂入鼎之序亦然也蓋與下經之文雖同而意則異矣

雍人倫膚九實于一鼎

注曰倫擇也膚脅革肉擇之取美者

繼公謂膚九者與其牲異鬲不視腸胃故得充其數
焉司士不倫膚以其卑也先魚腊實之者與牲體同
鑊宜因便也既實則遷之於腊爨之西南

司士又升魚腊魚十有五而鼎腊一純而鼎腊用麋

云又升則司士即鄉之升豕者也然則此時亦先升
魚後升腊與鼎謂實于一鼎也牲一胖而腊一純亦
大夫禮異也不言髀不升可知也每於將升之時則
舉鼎以就其鑊西他篇言腊者皆不言其物而此云

用糜者經特於此見之乎

卒齊皆設扁鼎乃舉陳鼎于廟門之外東方北面北上
陳於東方亦當塾少南鄉不陳於此亦異於士

司宮尊兩甒于房戶之間同於皆有罍甒有玄酒

於即所謂於禁也惟言於文省耳設尊即加罍者甒
其無蓋與

司宮設罍水于洗東有料設篚于洗西南肆

料音主

注曰料斟水器也

繼公謂料者沃盥與洗用之加于壘上經言壘水者惟此與大射燕禮耳然則士之水器其異於此乎凡沃洗及盥于洗者皆用料經特於此見之

改饌豆籩于房中南面如饋之設實豆籩之實

注曰改更也如饋之設如其陳之左右也饋設東面繼公謂改饌乃就而實之大夫禮異也此亦司宮主為之 案注云饋設東面以見其異者此耳

小祝設槃匱與篔巾于西階東

其設如士虞禮惟異處耳

主人朝服即位于阼階東西面

更言朝服者嫌祭服或異於前也阼階東亦直東序
後放此主人既視殺而退至是乃出立于其位也

司宮筵于奧祝設几于筵上右之

司宮不設几以祝接神宜使其為尊者公食大夫禮
司宮設几

右實鼎陳設祭饌即位

主人出迎鼎除冪士盥舉鼎主人先入

注曰道之也主人不盥不舉

繼公謂主人未入室而先迎鼎且不舉亦大夫禮異也除鼎亦有事也士盥於外

司宮取二勺于篚洗之兼執以升乃啓二尊之蓋冪奠于椽上加二勺于二尊覆之南枋

覆方
服反

二尊兩甌也蓋冪蓋尊之冪也此時即徹冪而加勺亦變於士

鼎序入雍正執一匕以從雍府執四匕以從司士合執
二俎以從司士贊者二人皆合執二俎以相從入
相如
雍正雍人之長府其佐也匕先俎後變於君禮也贊
者二人故云相從嫌並行也

陳鼎于東方當序南于洗西皆西面北上膚為下匕皆
加于鼎東枋

注曰南于洗西陳于洗西南

繼公謂膚為下陳鼎于外之時則然矣見於此者蓋

要終言之必言膚為下者以其出於豕且與之同錢
嫌宜在魚腊上也加匕東枋便匕者之執也既錯鼎
加匕則右人及執匕者退惟左人待載

俎皆設于鼎西西肆所俎在羊俎之北亦西肆

注曰所俎在北將先載也異其設文不當鼎

繼公謂後言所俎亦以設在後也執俎者既設俎乃
退

宗人遣賓就主人皆盥于洗長匕

長知
文反

注曰主人不匕言就主人者明親臨之

繼公謂此所遣者二佐食三司士也云賓者省文耳
此佐食賓也司士私人也就主人謂立于主人之南
西面也既乃序盥復位乃序進匕也云長匕則匕者
亦有先後矣此禮舉者匕者異人亦大夫禮異

佐食上利升牢心舌載于所俎心皆安下切上午割勿
沒其載于所俎末在上舌皆切本末亦午割勿沒其載
于所橫之皆如初為之于爨也

注曰牢羊豕也安平也平割其下於載便也午割使可絕也勿沒為其分散也今文切皆為刊

疏曰皆者皆羊豕羊豕皆有心舌也案特牲記云所俎心舌皆去本末午割之實于牲鼎載心立舌縮俎即是未入鼎時則制此心舌然也既未入鼎先制之是為之于爨也

繼公謂此羊豕之心舌蓋俱在羊鼎故惟上利升之勿沒者不絕其中央也必切上下本末者欲其整也

特牲記云舌縮俎此云橫之蓋於俎為縮於載者為橫然則所俎亦有執之以載者明矣皆如初為之於爨者言此切割之制與為之於爨之時無以異也心舌載於俎皆二以並羊左而豕右與此載者蓋南面

以羊俎在其南也

佐食遷所俎于阼階西西縮乃反

所俎既載則執俎者以錯于故處而佐食遷之也西縮猶西肆

佐食二人上利升羊載右胖髀不升肩臂臑膊髂正脊一脛脊一橫脊一短脅一正脅一代脅一皆二骨以並腸三胃三長皆及俎拒舉肺一長終肺祭肺三皆切肩臂臑膊髂在兩端脊脅肺肩在上

疏曰云肩臂臑膊髂在兩端脊脅肺肩在上者此是在俎之次俎有上下猶牲體之有前後故肩臂臑在上端膊髂在下端脊脅肺在中其載之次序肩臂臑正脊脛脊橫脊代脅長脅短脅肺腸胃膊髂也

繼公謂此先言其出於鼎之序後言其載於俎之次也出於鼎者其序如此則其在鼎上下之次亦可見矣拒未詳脊脅肺不言腸胃可知也或曰肺上當有腸胃二字文脫耳凡吉禮之大牲其俎實體骨之名與其出鼎及載之次見於此

下利升豕其載如羊無腸胃體其載于俎皆進下

注曰進下變於食生也鄉飲酒禮進腍羊次其體豕言進下互相見

繼公謂進下謂以每體之下鄉神位也載時則但為鄉俎之右耳

司士三人升魚腊膚

升之每俎異人亦變於初也

魚用鮒十有五而俎縮載右首進腓

注曰右首進腓亦變於食生也

繼公謂縮載謂載而縮俎也右首據載者視之而言也魚之進腓猶牲之進下也魚以腓為下髻為上右

首而進腴則亦寢右矣士喪奠用食生之禮其魚則左首進鬻與此異又喪奠魚九而為三列此其列亦三而每列用五與

腊一純而俎亦進下肩在上

注曰如羊豕

繼公謂腊一純而俎則肩臂臑膊骼各二而脊脅之數亦倍於牲其載之次左右股肱皆二體以並而右為上凡腊之體骨及載亦見於此

金定四庫全書
卷十六
膚九而俎亦橫載革順

注曰列載於俎令其皮相順亦者亦其骨體

繼公謂上俎云進下即橫載也故此亦之橫載者載而橫於俎也

右陳鼎七載俎

卒胥祝盥于洗升自西階主人盥升自阼階祝先入南面主人從戶內西面

祝先升亦大夫禮異也祝南面負墉

主婦被緇衣侈袂薦自東房韭菹醢醢坐奠于筵前主婦贊者一人亦被緇衣侈袂執葵菹羸醢以授主婦主婦不興遂受陪設于東韭菹在南葵菹在北主婦興入

于房

緇並音柔
羸音螺

被如被衿衣之被謂衣之也緇皆當作緣字之誤也緣祿通內司服曰緣衣素沙是也內子祭服緣衣而又侈其袂焉所以甚別於士妻之祭服也卿大夫之妻展衣為上祿衣次之此自祭於家故服其次者辟

助祭於公也不言首飾其亦纒笄與贊者亦被祿衣
侈袂婦人助祭者其服宜與主婦同亦如賓客之皆
朝服也然則雖非內子其衣亦得侈袂矣古者男女
吉凶之衣其袂二尺二寸袷一尺二寸此制之正也
侈袂之度則未詳主婦贊者云一人見其數止於此
耳以授主婦坐授之也故主婦不與上不言主婦之
位此不言盥如特牲可知大夫尊亦得用朝事之豆
簠乃於此禮惟用其二豆者遠下君禮也國君之豆

遵惟所用之而皆自其上者始

佐食上利執羊俎下利執豕俎司士三人執魚腊膚俎
序升自西階相從入

此執俎皆匕者也不使載者設之亦大夫祭禮異也
設俎羊在豆東豕亞其北魚在羊東腊在豕東特膚當
俎北端

當豕俎北端乃云特者明不與之為列也

主婦自東房執一金敦黍有蓋坐設于羊俎之南婦贊

者執敦稷以授主婦主婦興受坐設于魚俎南又興受
贊者敦黍坐設于稷南又興受贊者敦稷坐設于黍南
敦皆南首主婦興入于房

金敦以金飾之也四敦皆然特見其一耳婦贊者即
主婦贊者一人也不言主省文也後放此以授主婦
立授之也故主婦興受敦與受豆遷不同禮貴相變
也其後二敦則婦人贊者執以立于戶外婦贊者一
一反之以授于主婦蓋婦贊者惟一人而已敦南首

是北足也士喪禮曰敦啓會面足敦從設之首足異鄉蓋有所象也但其制則不可得而攷矣執敦者面足而此設之南首則是設敦者亦鄉席為之如設豆之面位矣

祝酌奠遂命佐食啓會佐食啓會蓋二以重設于敦南

重直
容反

注曰特牲饋食禮曰祝洗酌奠重累之

繼公謂已酌奠即奠之於韭菹之南而東當所設會

之西北文省也設于敦南卻而設于其南兩敦之南也云會復云蓋以明會之為蓋也

主人西面祝在左主人再拜稽首祝祝曰孝孫某敢用柔毛剛鬣嘉薦普淖用薦歲事于皇祖伯某以某妃配

某氏尚饗主人又再拜稽首

祝祝下之又反淖女苟反

主人固西面矣復見之者嫌此時或異面也羊曰柔毛

右設饌祝神

祝出迎尸于廟門之外主人降立于阼階東西面祝先
入門右尸入門左

注曰特牲饋食禮曰尸入主人及賓皆辟位出亦如
之祝入門右者辟尸盥也既則後尸

宗人奉槃東面于庭南一宗人奉匱水西面于槃東一
宗人奉簞巾南面于槃北乃沃尸盥于槃上卒盥坐奠
簞取巾興振之三以授尸坐取簞興以受尸巾

奉並芳
勇反

注曰庭南沒雷

繼公謂庭南於入門左之位為少北於此俟之亦異於士

祝延尸尸升自西階入祝從

特牲饋食禮曰尸至于階祝延尸祝從從其升而入也祝入亦南面

主人升自阼階祝先入主人從

上云尸入祝從則祝固已入矣此復云祝先入者明其先於主人

右尸入

尸升筵祝主人西面立于戶內祝在左

注曰祝從尸尸即席乃卻居主人左

繼公謂在左者當為主人釋妥尸之辭也在左之義見聘禮

祝主人皆拜妥尸尸不言尸荅拜遂坐

注曰尸自此荅拜而卒食其間有不啐奠不嘗鉶不告旨大夫之禮尸彌尊也

繼公謂云尸不言則妥有辭矣尸於既拜乃坐亦變於士所以升筵而未即坐者以主人尊故也

祝反南面

注曰未有事也墮祭爾敦官各肅其職不命

繼公謂妥尸事畢也南面云反以見從尸入時位在

此不饗亦大夫禮異 案注云墮祭亦誤墮宜作授

尸取韭菹辯煠于三豆祭于豆間上佐食取黍稷于四敦下佐食取牢一切肺于俎以授上佐食上佐食蕪與

黍以授尸尸受同祭于豆祭

辨音編下並同
換如悅反

牢一切肺羊豕各一也言兼與黍而不言稷見其尊者耳或曰黍下脫一稷字同猶兼也豆祭豆實所祭之處

上佐食舉尸牢肺正脊以授尸上佐食爾上敦黍于筵上右之

注曰右之便尸食也重言上佐食明更起不相因

繼公謂此於所舉者皆繫以尸明其為尸物也肺脊

先食舉之亦明不與他舉同重言上佐食者授舉之
後尸有事也不言振祭臍之文省耳右之蓋當尸前
之南 案注云右之便尸食謂黍在尸右則尸以右
手取之便也

主人羞所俎升自阼階置于膚北

羞進也云升自阼階者嫌進俎者必升自西階故以
明之置亦橫設之也

上佐食羞兩鉶取一羊鉶于房中坐設于韭菹之南下

劔
佐食又取一豕劔于房中以從上佐食受坐設于羊劔
之南皆芼皆有柶尸扱以柶祭羊劔遂以祭豕劔嘗羊

注曰芼羊用苦豕用薇皆有滑

繼公謂上佐食受興受之也故下云坐設芼以菜和
物之名祭劔亦於豆祭也下篇曰以羊劔之柶扱羊
劔遂以扱豕劔祭於豆祭若公食大夫禮用太牢則
祭劔于上劔之間與此異

食舉

特牲饋食禮曰乃食食舉謂一飯則食舉以安之也
士昏禮亦然則此亦當先飯而後食舉也不言乃食
者文有脫漏也

三飯上佐食舉尸牢幹尸受振祭濟之佐食受加于所
上佐食羞載兩瓦豆有醢亦用瓦豆設于薦豆之北

扶飯

晚反下
並同

注曰設于薦豆之北以其加也四豆亦絜羊載在南

豕豕在壯

繼公謂薦豆兼二列而言也無臙臙其遠別於太牢之禮與禮用太牢庶羞乃有腳臙臙案注云羊豕在南豕豕在北者謂羊在西列之南豕在東列之北也

尸又食食豕上佐食舉尸一魚尸受振祭臙之佐食受加于所橫之

注曰魚橫之者異於肉

繼公謂尸食載亦異於士橫之象其在魚俎也此亦於俎為縮於人為橫然則佐食於加物于所俎之時其亦西面與賓尸益送之俎皆於羊俎南載之與此禮同

又食上佐食舉尸腊肩尸受振祭濟之上佐食受加于所

注曰腊魚皆一舉者少牢二牲略之腊必舉肩以肩為終也

繼公謂肩右肩也骨體惟肩為尊腊但一舉故即用其尊體也別舉魚腊大夫禮異也此言上佐食受則前後所謂佐食受者皆其上者也

又食上佐食舉尸牢酪如初

注曰如舉幹也

又食尸告飽祝西面于主人之南獨侑不拜侑曰皇尸未實侑

注曰實猶飽也祝既侑復反南面

繼公謂侑尸之禮祝固不拜矣乃言之者嫌主人不拜祝獨侑則或當拜也祝獨侑亦與士禮異

尸又食上佐食舉尸牢肩尸受振祭濟之佐食受加于所

三舉骨體始于幹終於肩亦自卑而尊也此禮或三飯而舉或一飯二飯而舉又別其魚腊各自為舉數皆與士異也

尸不飯告飽祝西面于主人之南

注曰祝當贊主人辭

繼公謂不飯而告飽又變於上

主人不言拜侑

祝為之辭故不言也

尸又三飯

注曰為祝一飯為主人三飯尊卑之差凡十一飯士

九飯

繼公謂於舉肩之後又三飯為主人加也

上佐食受尸牢肺正脊加于所

言受明尸未嘗奠之也特牲禮既舉幹魚尸實舉于
菹豆故食畢佐食自舉加于所與此禮異佐食亦反
上敦黍于其所經文略也

右尸食

主人降洗爵升北面酌酒乃酌尸尸拜受主人拜送
云北面酌酒見凡酌於此者之面位也尊東西設勺
南枋而北面酌之則非酌於此者其面位亦可得而

推矣

尸祭酒啐酒賓長羞牢肝用俎縮執俎肝亦縮進末鹽

在右

長知丈反
下並同

注曰鹽在肝便尸換之

繼公謂此縮執俎者執其左右廉也肝進末即體進
下之意鹽在肝右則羊肝在豕肝之左與祭禮進末
則昏禮之肝從當進本也

尸左執爵右兼取肝換于俎鹽振祭臍之加于菹豆卒

爵主人拜祝受尸爵尸答拜

兼兼羊豕也於尸未受爵而主人拜故祝亦不相爵
皆大夫禮異也下凡與特牲異者皆放此不悉見之

右主人酌尸

祝酌授尸尸酌主人主人拜受爵尸答拜主人西面奠

爵又拜

酌才各反與酢
同下不見之

初拜固西面矣此言之者著受爵而反位也主人受
酢而俠拜亦大夫禮異也

上佐食取四敦黍稷下佐食取牢一切肺以授上佐食

上佐食以綏祭

綏當亦作授

綏亦當作授授祭者授主人以祭也以此使之祭者若尊者賜之食然

主人左執爵右受佐食坐祭之又祭酒不興遂啐酒注曰右受佐食右手受祭於佐食也

繼公謂言坐祭之者凡奠爵拜者執爵興故至此云坐也

祝與二佐食皆出盥于洗入

三人皆為將執所嘏之物而盥敬其事也

二佐食各取黍于一敦上佐食兼受搏之以授尸尸執以命祝

注曰命祝以嘏辭

繼公謂各取黍上者取于上敦下者取于下敦黍之上敦在西下敦在東

卒命祝祝受以東北面于戶西以嘏于主人曰皇尸命

工祝承致多福無疆于女孝孫來女孝孫使女受祿于
天宜稼于田眉壽萬年勿替引之

女並音汝
未如字

注曰工官也承猶傳也耕種曰稼勿猶無也替廢也
引長也言無廢止時長如是也

繼公謂受受黍也東北面鄉主人于戶西者為尸致
嘏宜近尸也來如來禹之來來之者欲其進而受黍
也

主人坐奠爵興再拜稽首興受黍坐振祭嘑之詩懷之

實于左袂挂于季指執爵以興坐卒爵執爵以興坐奠爵拜尸各拜執爵以興出宰夫以籩受齊黍主人嘗之

納諸內

卦 挂音

注曰出出戶也納猶入也

繼公謂云坐奠爵是立聽嘏也興少進受黍復位乃坐祭嘑之也宰夫受黍主人左執爵乃取而嘗之而納之內謂籩中既嘑之復嘗之亦大夫禮異也此嘏禮詳於特牲者大夫尊尚多儀也

右尸酢主人

主人獻祝設席南面祝拜于席上坐受

亦先設席乃酌獻之

主人西面答拜

答拜即拜送也

薦兩豆菹醢

薦者亦宰夫也下篇云主婦獻祝宰夫薦棗糗此宜
如之菹醢謂韭菹醢也蓋祝邊以尸之上邊則其

豆亦當以尸之上豆也不賓尸禮主人主婦之薦皆以韭菹醢則此可知矣其設之亦菹在西醢在東

佐食設俎牢髀橫脊一短脅一腸一胃一膚三魚一橫

之脂兩髀屬于尻

屬音燭尻苦刀反

髀右髀也橫脊短脅不二骨者俎實已多故此略之魚橫之亦據人而言也其義與加于所者同牢皆用右髀脂兩髀不殊皆取尸俎之不用者耳脂亦髀者與牲並用故體亦放之祝俎一而已乃雜用五俎之

物者見其尊也不賓尸之禮主人主婦俎亦然

祝取道揆于醢祭于豆間祝祭俎

注曰大夫祝俎無肺祭用膚遠下尸

繼公謂祭俎取膚以祭也亦振祭濟之既則反之於俎士虞餞尸以乾肉半尹為祭其祭之也振祭濟之反之此膚乃俎實異於膚祭不可以置于地其儀當與乾肉之祭同不言振祭濟之亦文省耳

祭酒啐酒肝牢從祝取肝揆于鹽振祭濟之不興加于

俎

肝牢當作牢肝俎牲俎也

卒爵興

注曰亦如佐食授爵乃興

主人酌獻上佐食上佐食戶內牖東北面拜坐受爵主人西面答拜

取節於牖見其少西於其他之北面拜者也凡室中北面拜者皆在戶牖間其言戶西者則近於戶言牖

東者則近於牖

佐食祭酒卒爵拜坐授爵興

拜蓋衍文祝與佐食皆不拜既爵者遠下尸亦大夫
禮異也佐食興則出立于戶外士虞記曰佐食無事
則出戶負依南面

俎設于兩階之間其俎折一膚

下篇獻衆賓以至於私人皆有薦胥佐食在衆賓之
中又有上事不宜貶於私人但有胥而無薦此不云

薦亦似文略也又不賓尸之禮云其獻祝與二佐食其位其薦胥皆如儼然則此佐食有薦明矣折說見前篇記

主人又獻下佐食亦如之其胥亦設于階間西上亦折一膚

卒獻則主人受爵以實于下篚而升復位特牲饋食禮曰佐食卒角主人受角降反于篚

右主人獻祝及佐食

有司贊者取爵于篚以升授主婦贊者于房戶

篚下篚也主婦亞獻用下篚之爵豈此時內篚未有
爵與婦人不可以取爵于庭故有司為取之戶字誤
若授受於戶當言內外西東不宜單言也下篇曰司
宮取爵于篚以授婦贊者于房東此戶亦當為東與
婦贊者受以授主婦主婦洗于房中出酌入戶西面拜
獻戶

注曰入戶西面拜由便也

尸拜受主婦主人之北西面拜送爵

注曰此拜於北則上拜於南矣

尸祭酒卒爵主婦拜祝受尸爵尸答拜易爵洗酌授尸
尸不啐而卒爵為無從也易爵易于下篚也酌而易
爵亦內子禮異也下篚在洗西故因易爵而洗之也
凡尸酢不洗賓尸乃或有之

主婦拜受爵尸答拜

主婦受酢不夾爵拜亦變於不賓尸之禮

上佐食綏祭主婦西面于主人之北受祭祭之其綏祭如主人之禮不啜卒爵拜尸答拜

注曰不啜夫婦一體

繼公謂綏亦當作授其授祭謂所取及相授者也士妻撫祭內子受祭又有于房于室之異皆相變也主婦既祭又祭酒乃卒爵下篇曰主婦立卒爵執爵拜主婦以爵出贊者受易爵于篚以授主婦于房中

注曰贊者有司贊者也

繼公謂贊者與主婦親授受亦變於初此易爵于下
筐則內筐初無爵明矣易爵于下筐乃不洗者辟祝
為尸易爵之禮也

右主婦獻尸尸酢

主婦洗酌獻祝祝拜坐受爵主婦荅拜于主人之北卒
爵不興坐授主婦

主婦必洗者為贊者終其事也獻祝可以不洗

主婦受酌獻上佐食于戶內佐食北面拜坐受爵主婦

西面荅拜祭酒卒爵坐授主婦主婦獻下佐食亦如之
主婦受爵以入于房

注曰不言拜于主人之北可知也爵奠于內籩

繼公謂上云主人之北此云西面上云不興此云祭
酒皆互見也

右主婦獻祝佐食

賓長洗爵獻于尸尸拜受爵賓戶西北面拜送爵尸祭
酒卒爵賓拜祝受尸爵尸荅拜祝酌授尸賓拜受爵尸

拜送爵賓坐奠爵遂拜執爵以興坐祭遂飲卒爵執爵以興坐奠爵拜尸荅拜

賓受酢而俠拜與夫奠爵拜執爵興之類皆放主人事尸之禮為之

右賓獻尸尸酢

賓酌獻祝祝拜坐受爵賓北面荅拜祝祭酒啐酒奠爵于其筵前

不卒爵故啐而奠之筵前席南也蓋北面奠之奠於

此者明其與他奠爵之禮異祝不卒爵又不及佐食
蓋放不賓尸末獻之儀也

右賓獻祝

主人出立于阼階上西面祝出立于西階上東面祝告
曰利成

階上亦皆序內也

祝入尸謖主人降立于阼階東西面祝先尸從遂出于
廂門

祝先先尸而行也其出戶降階及門之時亦皆鄉尸而還略如士虞記所云也尸出廟門祝宜告以主人將有事則尸於門外次中俟之士冠禮曰請醴賓賓就次

祝反復位于室中主人亦入于室復位祝命佐食徹所

俎降設于堂下阼階南

徹直列反

徹所俎不出門示將賓尸之意也不賓尸之禮尸出則佐食出尸俎于廟門外有司受歸之所俎而以賓

尸者賓尸之俎宜俱用尊體所俎有肩髀之屬在焉
不得不於是乎取之也終以歸尸故無嫌佐食亦上
佐食也阼階南近於鄉者所升之處也

右尸出祭禮畢

司宮設對席乃四人暮上佐食盥升下佐食對之賓長
二人備

注曰備四人餽也三餽亦盥升

繼公謂賓長二人謂長賓及衆賓長也此佐食皆異

姓也故可使賓長對之 案注知三餽亦盥升者以
特牲禮舉奠及長兄弟盥而推之也

司士進一敦黍于上佐食又進一敦黍于下佐食皆右
之于席上

注曰右之者東面在南西面在北

資黍于羊俎兩端兩下是餽

注曰資猶減也減置于羊俎兩端則一賓長在上佐
食之北一賓長在下佐食之南

繼公謂資字未詳兩端當肩髀之處也羊俎兩端其於兩下亦皆為右兩下是餽謂二賓長以此黍餽也餽主於二佐食故以二賓長為兩下

司士乃辯舉養者皆祭黍祭舉

辯舉舉膚以授四人膚即在特俎者

主人西面三拜養者養者奠舉于俎皆荅拜皆反取舉
注曰三拜旅之也

繼公謂西面于其位也言此者明其不為二人西面

而易位拜之也奠舉于俎亦各於其所近者與皆答拜答一拜也養者答拜無異文則是西面者亦西面拜矣反取舉復取舉于俎也言反者為其鄉者亦在手也

司士進一鉶于上養又進一鉶于次養又進二豆滫於兩下乃皆食食舉

兩下資黍於俎又有滫無鉶皆下立養者也此一佐食衆賓也兩下賓長也養則佐食反尊於賓長者以

其勞於室事故報禮特重焉祝不養者接神職尊不
敢使之養也二釧上養羊下養豕然則二豆清亦羊
豕各一與

卒食主人洗一爵升酌以授上養贊者洗三爵酌主人
授于戶內以授次養若是以辯皆不拜受爵主人西面
三拜養者養者奠爵皆咎拜皆祭酒卒爵奠爵皆拜主
人咎一拜

贊者蓋亦宰夫也每於將酌乃洗爵云洗三爵總言

之耳若是謂酌受授也辯及于兩下也皆不拜受爵者人多重勞主人一一答之也暮者奠爵拜亦與士異答一拜卒爵禮輕可以略特牲二人暮其禮亦然凡大夫士之禮其答卒爵拜者皆一拜也乃見之者嫌人多或旅之也

暮者三人興出

注曰出降反其賓位

繼公謂不執爵以出統於上暮也

上養止主人受上養爵酌以醋于戶內西面坐奠爵拜
上養答拜

注曰主人自醋者上養獨止當尸位尊不酌也

坐祭酒啐酒

主人啐酒者為聽嘏凡既祭酒而未得即卒爵者必
啐酒

上養親嘏曰主人受祭之福胡壽保建家室

上養親嘏且不用黍惟以辭別於尸也胡如胡福之

胡

主人興坐奠爵拜執爵以興坐卒爵拜

重嘏故其禮盛至是乃云主人興是坐而聽嘏也亦殺於尸

上饗答拜上饗興出主人送乃退

云上饗興出則是不受主人爵也主人奠爵上饗不受亦禮有終且為有司將徹之也出亦謂出戶送謂送之於戶外退者上饗退立于賓位也賓以出為退

主人以入為退

右養

儀禮集說卷十六

正誤

長匕

鄭本匕作杜今亦從古文作匕


緡衣

鄭本緡作錫注曰今文錫為緡繼公謂錫緡一字皆誤而緡於緣為差近故特取其近者

謹案第二十八頁前四行舉尸牢駱刊本駱訛駱

據注疏本改





覆校官檢討臣李學錦

校對官檢討臣龔大萬

膳錄監生臣李士勳